

NACRT UGOVORA

eNetPoint, ulica Barska 38, koga zastupa direktor Mirsad Kujan, dipl.ing. (u daljem tekstu: Prodavac)

Identifikacioni PDV broj: 200161830007
Poreski broj: 01079818
Broj rješenja: UF/I-1070/02
Transakcijski broj računa: 161-000-00339300-29
Raiffeisen Bank dd Sarajevo

i

Kantonalno javno komunalno preduzeće „RAD“ d.o.o. Sarajevo, ulica Paromlinska 57, Sarajevo, koga zastupa direktor Vera Arnautović, dipl. pravnik (u daljem tekstu: Kupac).

Identifikacioni PDV broj: 200316890001
Poreski broj: 01700105
Broj rješenja: U/I-1664/89
Transakcijski broj računa: 338-900-2208077649
UniCredit banka d.d. Sarajevo,

zaključili su

U G O V O R

o nabavci izvornog koda softvera

PREDMET UGOVORA

Član 1.

Predmet ovog Ugovora je nabavka izvornog koda za poslovni informacioni sistem, u skladu sa provedenim pregovaračkim postupkom za dostavu ponuda a prema Odluci broj 05-03-04-4502/20 od 10.03.2020. godine, kojom je kao najpovoljnija odabrana ponuda broj 0201/2020 od 08.03.2020. godine ponuđača „eNetPoint“ d.o.o. Sarajevo.

Predmet ovog Ugovora obuhvata sljedeće softvere postojećeg poslovnog informacionog sistema u J2EE tehnologiji, a koji su instalisani i u upotrebi u KJKP „RAD“ d.o.o.:

- a) Softver za fakturisanje i naplatu usluga odvoza smeća za stanovništvo i privredne subjekte Kantona Sarajevo, fakturisanje usluga garažiranja, održavanje modula terenskih poslova u cilju ažuriranja evidencije korisnika komunalnih usluga, održavanja mrežnog softverskog modula blagajničkog poslovanja, GSM SMS Gateway-a, kao i Internet modula za stanovništvo i privredu,
- b) Softver za finansijsko knjigovodstvo, finansijsku operativu i finansijske evidencije, KUF, KIF, obaveze i plaćanja, evidenciju inventura, promjena i stanja na skladištima zaliha i imovine, popis i evidenciju dugotrajne imovine, stalnih sredstava, i obračun amortizacije, kompatibilan sa softverom za blagajničko poslovanje, fakturisanje i naplatu usluge odvoza smeća i fakturisanja usluga garažiranja, i koji zadovoljava uslove mrežnog rada u LAN mreži KJKP „Rad“ d.o.o. Sarajevo sa mogućnošću podešavanja privilegija pristupa korisnicima, odnosno grupama korisnika, u zavisnosti od poslova koje obavljaju,
- c) Softver u podsistemu za održavanje i servisiranje sredstava za rad; kreiranje, praćenje i analiza zahtjeva za servisiranje, odvojeno za radionu i za servisne usluge, kreiranje,

evidencija, praćenje statusa i analiza radnih naloga za održavanje sredstava rada, evidencija poslova i troškova, odnosno rezervnih dijelova sa skladišta za servisiranje SR, evidencija i praćenje saopštenja za nabavku rezervnih dijelova,

- d) Softver za funkciju upravljanja sredstvima za rad; evidencija i pretraga po izabranom kriteriju za sredstva rada, karton sredstva rada, evidencija troškova po sredstvima rada, definisanje, praćenje i upozorenja za servisne informacije, kreiranje i evidencija putnih naloga za sredstva rada pojedinačno i grupno u skladu sa planom korištenja, analiza putnih naloga i troškova po PN i vozilima, veza sa skladištem goriva i maziva radi evidencije utroška,
- e) Softver za funkciju javne higijene; definisanje i ažuriranje registara dionica, ruta kretanja i kapaciteta odlagališta otpada, planiranje, kreiranje radnih naloga i evidencija odvoza otpada po dionicama i sredstvima rada, odvojeno za prikupljanje i odvoz otpada, mašinsko čišćenje saobraćajnica i pranje saobraćajnica, evidencija eksternih vlasnika posuda za odlaganje otpada, izvještavanje po mnogobrojnim selekcijama, po strukturi otpada, izvršiocima, dionicama, korisnicima usluga, prioritetima, općinama,
- f) Softver za usluge deponije, praćenje, vaganje i analiza odlaganja otpada na deponiji; definisanje vrsta otpada prema jedinstvenoj nomenklaturi, evidencija eksternih korisnika usluga deponije kao i vozila, evidencija odlaganja otpada na deponiji, odvojeno za interne korisnike i za eksterne korisnike, analiza usluga za korisnike deponije po raznim kriterijima, korisnicima, vozilima, strukturi otpada, načinu plaćanja usluga.

Član 2.

Prodavac prodaje Kupcu izvorni kod za aplikativni softver u J2EE tehnologiji iz člana 1. ovog Ugovora zajedno sa svim pristupnim lozinkama, te pismeno odobrenje za neekskluzivno korištenje tog softverskog koda za vlastite potrebe, bez prava na daljnju prodaju, ustupanje, distribuciju, ili upotrebu trećih lica.

Proces primopredaje podataka navedenih u ovom članu će se izvršiti zapisnički i u prisustvu stručne osobe angažirane od strane Kupca.

Softveri koji su predmet ovog člana predaju se Kupcu u zatečenom stanju "kao što jesu", te Prodavac nakon primopredaje ne preuzima odgovornost za razumijevanje ili ispravnost bilo kojeg dijela softvera, kao niti za eventualnu direktnu ili indirektnu štetu uzrokovanu korištenjem softvera koji je predmet prodaje, kao niti za aktualnost, tačnost, potpunost ili kvalitetu informacija dobivenih korištenjem softvera koji je predmet prodaje.

CIJENA

Član 3.

Kupac se obavezuje da će obaveze iz člana 2. ovog Ugovora Prodavcu platiti po cijeni koja iznosi 110.000,00 KM bez uračunatog PDV-a, a sa uračunatim popustom.

Kupac će odmah nakon potpisivanja ovog Ugovora uplatiti Prodavcu 80% od iznosa navedenog u stavu 1. ovog člana.

Prodavac se obavezuje da će Kupcu primopredaju izvornog koda iz člana 2. koji obuhvata softvere iz člana 1. ovog Ugovora izvršiti odmah nakon što Kupac uplati 80% od iznosa navedenog u stavu 1. ovog člana.

Preostalih 20% od iznosa navedenog u stavu 1. ovog člana Kupac će uplatiti odmah nakon primopredaje.

OBAVEZE PRODAVCA

Član 4.

Prodavac zadržava sva autorska prava nad isporučenim softverskim rješenjem i bilo kojim njegovim dijelom.

Prodavac, kao nosilac autorskih prava, ne ograničava Kupca u radnjama prevođenja, prilagođavanja, priređivanja i svakog drugog mijenjanja isporučenog informacionog rješenja za svoje potrebe, ne prejudicirajući prava uposlenika Kupca da mijenja informaciono rješenje, a kada su ova činjenja neophodna da se omogući Kupcu korištenje informacionog rješenja na način koji odgovara njegovoj namjeni kod Kupca, kao i radi ispravljanja eventualnih grešaka.

OBAVEZE KUPCA

Član 5.

Kupac se obavezuje da će poštovati povjerljive informacije Prodavca i da bez pismene saglasnosti Prodavca nema pravo distribuirati, prodavati niti davati na raspolaganje ili na uvid trećim licima: izvorni kod, niti bilo koji dio izvornog koda iz člana 2., tehnički dizajn i ostale informacije vezane za tehničko rješenje, odnosno bilo koju drugu informaciju koju Prodavac smatra poslovnom tajnom.

Poslovna tajna se definiše kao metoda ili tehnologija razvijena, kreirana i izumljena od strane Prodavca kroz proces implementacije informacionog rješenja i zbog toga je legalno isključena iz dostupnosti trećim licima da bi se spriječile negativne poslovne posljedice koje bi mogle nastati po Prodavca otkrivanjem takve informacije.

Obavezu iz stava 1. ovog člana Ugovora, Kupac će prenijeti i na sve svoje uposlenike koji imaju, ili su imali, pristup i uvid u aplikativni softver koji je predmet prodaje.

OSTALE ODREDBE

Član 6.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

Član 7.

Izmjene i dopune ovog Ugovora mogu se vršiti samo uz pismenu saglasnost ugovornih strana. Naknadni aneksi i protokoli mogu mijenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

Član 8.

Sastavni dio ovog Ugovora je ponuda Prodavca broj 0201/2020 od 08.03.2020. godine.

Član 9.

Ugovor stupa na snagu kada ga potpišu ugovorne strane.

Član 10.

Ugovor je sačinjen u 6 (šest) istovjetnih primjeraka i to 2 (dva) za Prodavca, 4 (četiri) za Kupca.

PRODAVAC: „eNetPoint“ d.o.o. Sarajevo
Direktor

Mirsad Kujan, dipl.ing.

KUPAC: KJKP„RAD“ d.o.o. Sarajevo
Direktor

Vera Arnautović, dipl. pravnik

SUPOTPISNIK UGOVORA
Predsjednik Nadzornog odbora

Adi Škaljić, bakalaureat prava

Broj: 05-03-04- /20

Datum: 16.03.2020. godine